

僊居縣志卷之十二

孝友列傳

孝友庸德也然難言矣士或稱詩說禮自謂能行古之道類志養缺如骨肉際有戎心焉豈其禮明其志衰與僊風俗茂美家門之內多至行彼區區口體娛者不足云也乃若磊砢光卓之爲可格天地泣鬼神勿表出之任其泯也汶也汶也乎村墟草莽間奚可哉

宋

吳沆字仲元淳熙二年武科歷知昭靖二州以母老乞養母病割股和藥進而霍及故廬墓三年

僊居縣志

卷十二

孝友

一

縣令趙幼聞立純孝坊以旌之名其里曰孝義鄭憲字彥仁雄飛姪景定三年進士歷官太學博士德祐間元兵壓境奉母逃元兵追殺其母號泣曰吾義當死國苟且竊旦夕生者母在則然耳今若此負土葬其母畢遂雉經于墓右

顧玉文字溫夫咸淳十年武甲第一元兵至台父被執玉文身捍之頸被數刃與父俱仆移時乃甦退居事母孝養彌篤焉

吳處仁字敬之父爲元兵所驅巡山呼其子索鏹貸之處仁趨軍語曰銀吾所藏也容歸取以贖

父及發窖則已爲人所得矣乃曰銀無存者吾
戴吾頭代父其弟淵又祈代之衆愕然義之俱
獲免

郭垚卿字子原晞宗長子以廕當得官固讓于季
弟磊卿郡守爲立友于坊以表之後仕至
兵馬都監

明

朱煦父季用洪武時以賢才對策稱旨授福州守
之任纔五月以他事詔獄輸罪作城旦春役嚴
償重費不貲季用曰吾何以堪此旦夕且死匕

僊居縣志

卷十二

孝友

二

取吾骨歸耳煦惶懼不敢頃刻離左右戒二弟
守視之時或告枉者輒被極刑衆皆首鼠煦奮
曰吾無術以脫吾父訢不訢等死萬有一父以
訢獲免卽萬戮死何恨遂痛切具告枉狀上悲
傷之乃赦季用復其官緣煦訢而復官者十有
四人皆拜季用謝曰微君之子吾儕城下塵矣
已而煦感疾死人皆哀之編修王叔英爲作季
子傳

張宗弘字世遠少孤好學器識迥出人上事母色
養備至母病篤宗弘足不出戶目不交睫者二

越月嘗再割股和藥以進而霍生平慷慨好施有老嫗坐負官錢幾死傾囊贖之又有少年遺十金哭于市亦如其數與之郡縣以孝廉聞屢詔徵之不赴其辭表有曰赤日中天將獻曝以何能白雲在舍期承歡之有永幸寬疎鄙無辱明章方正學孝孺繪奉萱圖贈之王學士一寧爲作純孝傳子鏐字大廉贈南充知縣鉦字大振國子監博士孫成德歷仕茂著政績見別傳戴彥信名原敬父養元饒于貲與比隣陳某有隙隙坐籍沒詭言寄百緡養元所遂并繫獄彥信痛父無辜訴于上願以身代父死詔釋養元而彥信竟死于獄朝野嗟悼之

應昌字克盛號慎齋少孤事母陳氏至孝陳死哀毀踰禮廬墓側寢于地每遇親諱日輒涕泣不食人以王延元方之後爲分宍尉廉惠著聲民盡德之以子良貴封贈翰林院編修

吳榮璧字廷望居母喪寢地飲水足不踰限後以貢當北上以父老不行父促之對曰古人不以三公易一日劓芟也耶父以逆命罪之臨行號泣者再從子炳漢孝行不減榮璧分教如臯思

迎養不果聞親訃嘔血數升不食數日而卒
張援字存忠時朝廷事興作父以占庇工匠獲罪
提赴京師援從焉父于舟中患痢數月事之甚
謹默祈減齡代之旋霍既抵京罰工綦重援代
職其勞事竣南還溺吳江死聞者悲之子榮壽
見別傳

王古鐸字明教父嗣宗以調科承直京師鐸偕焉
金盡食無辨鐸負米養父不少倦復以其美爲
歸計比達家父泣曰微汝吾鬼他鄉矣父終哀
毀踰禮足不入私室者三年張別駕成德爲作

僊居縣志

卷十二

孝友

四

傳

楊治卿字君佐父選病事之備至父死哀痛迫切
臥棺側者三年母死亦如之出入必告于親之
靈以毛氏經授生徒至蓼莪三章輒涕泗縱橫
門人爲之廢蓼莪若晉王裒云

應存素字軒之號鳳林司寇大猷子性至孝嗜學
能文六歲從大猷經邳河偶携扁舟他適倏朔
風驟號凍雲四集須臾河水與巨艦相失崖遠
精空賴同舟賈人棗栗爲食存素念冰融無期
棗或告匱將何以實大人腹乎每食必以半歲

焉未幾而買人之進菓希矣存素乃出所藏以繼之大猷嘆曰此見孝非由學智不在年也王都憲在菴聞之賦詩以贈父大猷亦武韻有禔子曾何識艱危未失真之句弱冠值伯助教大卒喪不能治大猷愠曰吾宦而貧奈兄喪何存素時新聚遂罄易奩得數十金以進父喜甚屋數楹付券酬之力辭勿獲洎均產復匿券而公分其屋焉再傳姪槐野無子撫存素孫昌元爲嗣前屋適屬之豈或有默相然耶存素文戰雅不利再中副車終以明經司婺源訓諭者咸惜其數奇云後以次子朝卿貴封山西道監察御史槐野名汝辰字中叔亦以孝稱

論曰人子謹溫清祝哽噎惟其文兼惟其情苟能是也亦難矣至于顛沛流離之際或櫻龍怒或犯虎嗥萬死以全其親豈中人以下所敢望哉若夫情深棣萼而讓爵讓產者其其高風亦有足多焉雖然父母昆弟之恩嗚呼無之獨奈之何不羣然興也